

經百餘日用之點化丹陽適然俱成黃金其神靈變化如此豈易度哉

七論用鉛

仙經云用鉛不用鉛卻向鉛中作及至用鉛時用鉛還是錯蓋嘗至此而疑之曰用鉛是錯則不可用須向鉛中作何耶此非神仙謾語乃常人不知其用爾苟得鉛之法何慮乎丹之不成學丹者先當明其理而後用之銀由鉛而生鉛銀未分胎之前神炁混成用之匱養水銀等藥則可成功分形之後元炁既散則鉛爲鉛銀爲銀矣豈可舍銀而求鉛遽欲以鉛而成寶者乎天下甯有是理耶法當鉛三銀四同搗成末再以靈草養制進道藏輯要

丹房奧論

六 中鼎集五
八十一文

八論用母

凡奪天地造化修鍊金丹唯水銀一味而已須假祖炁以全其質猶嬰兒在母胞胎中神炁溫養方能成形故喻金銀汞爲母子汞性輕飛隨物感遇不易制伏必先養鍊朱靈二砂爲丹基